

命令

臨時大總統令

任命任毓麟補授直隸提法使此令

中華民國元年四月初九日即壬子年二月二十二日大總統蓋印

臨時公報

陽歷四月初十日即壬子二月二十三日

批 呈

署河南河北鎮總兵陳泰交呈報到任日期文

爲呈報事竊照職鎮叨蒙河南撫提部院齊耀琳照會轉奉內閣電開署河北鎮南陽鎮總兵馬鎮金叙升補甘肅提督查有記名總兵陳泰交堪以委署河北鎮篆務等因電覆並分行外合行照會貴鎮煩爲查照施行等因承准此職鎮遵卽起程於中華民國元年二月二十五日到河北鎮接管署理所有署理日期理合呈報爲此具呈伏乞

大總統照驗施行

批據呈已悉此批

中華民國元年四月初八日卽壬子年二月二十一日

德州城守尉奎岱因病呈請開缺文

爲因病懇請開缺事竊職自入春以來忽患腿疾疼痛難安暨舊有疝氣之症復發雖經醫治迄未痊愈且年近七旬氣體衰敗心神恍惚伏思城守尉有管轄闔營之責事務紛繁倘有疏虞致負委任籌思再四惟有籲懇鴻施俯准開缺回京調養所有職因病懇請開缺緣由除咨呈青州副都統查照外理合具呈伏乞  
大總統鈞鑒批示祇遵奎岱謹呈

陽歷四月初十日即壬子二月二十三日

批據呈已悉奎岱毋庸開缺此批

中華民國元年四月初八日即壬子年二月二十一日

署阿爾泰軍台都統等呈委印祥署理張家口管站部員兼辦賽爾烏蘇台站善後事宜  
文

爲呈請事軍台印房案呈查張家口管站部員銓福既經任滿咨行理藩部在案例應回部當差所遺管站部員之差現派賽爾烏蘇未經年滿管站部員印祥署理兼辦賽爾烏蘇台站善後事宜以資熟手除咨理藩部查照外相應呈請  
大總統鑒核示覆遵行

批據呈已悉交該部備案此批

中華民國元年四月初九日即壬子年二月二十二日

公 啟

郵傳部公啟

啟者現在報館訪事所發新聞電報經本部特別規定凡本國境內無論遠近一律每字收費三分以示優待從前各報館凡有領過本部減費執照者務於本月內隨時將舊照送至郵傳部電政司以憑改換新照是爲至要

中華民國元年四月初六日 郵傳部電政司啟

參議院暫設事務所公啟

現奉 大總統諭南京參議院已議定遷至北京參議員定於本月二十一日以前齊集應暫設事務所豫備料理接待一切事宜等因現已擇定宣武門內象坊橋法律學堂（卽前資政院）爲參議院暫設事務所各省參議員到京者請自本月十一日起每日上午十點鐘至下午三點鐘蒞所接洽凡應投參議院文件電報亦望逕投本所爲要

中華民國元年四月初十日

